

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Chief Minister Pu Lalduhoma hovin Assam Rifles chhuahsan ram hman dan tur ngaihtuahtu Advisory Committee on AR Land te chu vawiin khan an thukhawm.
- 2. Mamit district chhung inkalpawhna kawng chhe lutuk siam that nawr nan tukin dar 7 atang khan Mamit khaw daiah National Highway 108 chu dan chah a ni.
- 3. Dampa Assembly Bial By election lo awm turah vawiin khan BJP party official candidate pu Lalhmingthanga chuan he biala chuh turin a hming a pe lut.
- 4. Prime Minister Narendra Modia chuan vawiin khan Andhra Pradesh-a Kurnool ah hmasawwna project cheng vaibelchhe sing 1 sang 3 leh 430 hu a hawng.

<><><>

CM

Chief Minister Pu Lalduhoma hovin Assam Rifles chhuahsan ram hman dan tur ngaihtuahtu Advisory Committee on AR Land te chu a tum thumna atan an thukhawm a. Rawtna lut hrang hrangte an thlirho. UD & PA Minister Pu K. Sapdanga leh committee member te an meetingah hian an tel a ni.

Sorkar thuchhuah tarlan danin. ruahmanna thar ber ang chuan a ram zawng zawng zaa 39.33 chu mipui mamawh hmunhma sakna tur niin a dang zawng zaa 60.67 chu Green Area a ni ang.

Committee hian Aizawl Square, Ring road ni nghal siam te, a ram chhuah lama bypass road, hmar lamah Saron atanga kal, Dak inpui bula chhuak sial te, mi 2000 lenna Convention Centre, a hnuai lam lirthei park-na lian tham tak nei sak te, kawngpui kam hmun hniha Mini Park siam te, two wheeler parking siam te, Heritage Court siam te, Bypass road kiang Venghlui lam hnaiha Multi Level Car Parking leh Open Air Theatre sak te a pawm a. Khawpui laili chawmtu turin Baja tlanga Tui dahkhawlna sak leh chhuah lam bypass road kianga 33 KV Sub Station dah an remti a ni.

Tuna kawngpui awmsa hi a theih ang anga tihzauh ni se an ti a, lungphun awmsate vawnhim tha an ti a, Canteen kuala War Memorial chu MINECO-a sawn an rel bawk.

Meeting hmasaa, Aizawl Civil Hospital tihzauh nana Aizawl Police Station awmna hman a nih theih nan Police Station hi AR Hospital tlangah sawn ni se - tia an lo sawi tawh chu, a hmunhma tura an tinzawnah a leng thei dawn lo va. Chuvang chuan, Aizawl Police Station chu sawn phei chi ah an ngai leh ta lo va, out post dah chi zawk nia ngaih a ni.

Khatlaa Assam Rifles ram mawng lam, Mizoram Secretariat tihzauh theihna lai tur leh Loch House, tuna Mizoram sorkar kuta awm ta te chu inthlengpui dil ni se, a hlawhtlin chuan Chief Minister's Office leh Residence sawn phei nana hman ni se, an ti.

Babutlanga AR ram chhuahsan, Zarkawt khawtlangin enkawl an dil chu a neitu nihna nei lo va Green Park atana an enkawl theih dan tur inkaihhraina GAD lamin lo duang se, an ti bawk.

<><><>

JCM PRESS CONF

Joint Civil Society of Mizoram (JCM) hruiute chuan Forest Conservation Amendment Act (FCAA) 2023 a adopt-na sût tura Mizoram sorkar ngenna leh Article 371-G chawinunna atan naktuk zanah bati chhia punkhawm huatsawt a tum a,

Hemi chungchang hi vawiin khan Aizawl Press Club-ah thuthar thehdarhttute an hrilh a, JCM aiawh Pu Lalrammawia chuan, FCAA 2023 chu a nih ang anga Mizoram sorkarin a pawm chu Mizoram mipuite tan a him lo a, sut leh ngei tura roreltute an ngennaah an la din reng thu a sawi a; ram rorelna in sangah sût leh anih theih nan hma lak zel an tum thu sawiin, mipui tawiawmna an mamawh dawn thu a sawi a ni.

(Byte - Pu Lalrammawia)

Pu Lalrammawia chuan state mipuiten chakkhai an lakna kawngpui chuan ngaihthah a hlawh nasa tih sawiin , ram hruiute hian kawngpui sial thar mek leh siamthar tur ruahmanna an neihte thlengin Mizoram hmakhua ti thim zawngin ke an pen zel nia an hriat thu leh an rilru a nat thu a sawi a, Mizoram kawngpui dinhmun an fankualna leh report an dawn te atanga a chhiat chhana an hmuh te - sorkar inthlahdah leh ngaihthah vangte, over-load truck tlan tir vangte, Legal Metrology leh Transport Deptt. Enforcement chak loh vangte a nih thu a sawi a; sorkar hian a inrelbawina lam thlenga in ennawn ngam turin an duh thu a sawi bawk.

He hunah hian Social Activist Pi Vanramchhuangi pawhin thusawiin sorkar hmasate chu sawi loh, tun sorkar chuan kum 2024 thal lai leh kumin thal lain kawngpui a ngaihthah a ti a ni.

<><><>

MAMIT NH

Mamit district chhung inkalpawhna kawng chhe lutuk siam that nawr nan tukin dar 7 atang khan Mamit khaw daiah National Highway 108 chu dan chah a ni.

All NGO hruaitute leh Commercial Vehicle Owners Association hruaituten Mamit khawpui panna kawngpui hrang hrangte NH 108 - Mamit leh Aizawl, Mamit leh Hachhek tlang dung inkalpawhna leh NH 06 Mamit leh Bairabi inkar kawng chhe lutuk te siam tha turin sawrkar an lo ngen tawh thin a, an ngenna te tih hlawhtlin sak an nih loh avang leh kawng ala chhiat reng avang hian tukin zing dar 7 atang khan Mamit khawdaiah NH 108 (NH44A an tih baw) chu dan chah a ni.

All NGO hruaitute leh Commercial Vehicle Owners Association hruaitute chuan khawtlang mipui ten an harsatna tawh zawng zawngte chu vawi leh khatah siam that nghal vek theih nilo mahse sawrkar / department ten an duh anga kawngpui siam thatna hna thawk tura khawl leh hmanrua te lakhawm a hma an thawh hma chuan kawng dan pin chunzawm zel an tum thu leh Dampa AC MLA By election lo awm tur a lirthei vei vak te pawh dan zel an tum thu an sawi baw.

<><><>

CBC CAMPAIGN

Ministry of information and Broadcasting hnuaia Central Bureau of Communication, Field Office Aizawl chuan vawiin khan Aizawla Govt. Zotlang High School-ah zirlai naupangte pualin faina chungchang inzirtirna, Swaachata Hi Seva Campaign an buatsaih.

CBC In-charge Lalginlen Lhouvum chuan campaign hawwna thu sawiin, khuallian Dr Isarala, Govt. Zotlang High School headmaster chuan mimal nun leh mahni chhehvel thianghlamna a pawimawh thu a sawi bakah fai chu Pathian anna a nih thu sawiin zirlaite chu faina leh thianghlamna nunpui tlat turin a chah a ni.

Campaign-ah hian resource person Pu Rodingliana chuan zirlaite chu Swachh Bharat Mission lo chhuah dan leh a thiltumte a hrilhfiar a, zirlaite chu in lamah leh sikulah faina nunpuia bultan turin a ngen bakah, midangte hrilhhretu ni turin a chah baw.

Campaign pual inkhawm tawi hman zawh hian zirlaite leh kalkhawmte chuan an sikul leh a chehhvel tihfai hnatlang an nei nghal a ni.

<><><>

BJP CANDIDATE FILED NOMINATION

Dampa Assembly Bial By election lo awm turah vawiin khan BJP party official candidate pu Lalhmingthanga chuan he biala chuh turin a hming a pe lut a.

BJP party official candidate pu Lalhmingthanga hian vawiin chawhnu khan Dampa AC Returning Officer Pu Malsawmzuala hnenah hian hming a thehlut a, kan corr zawhna chhangin tun by election lo awm turah hian thlan tlin ngei a inbeisei thu leh thlan tlin a nih chuan bial chhung hmasawna tur arang thei ang berin Delhi lamah a thlen nghal tur thu a sawi.

(BYTE)

Election Commission of india in ruahmanna alo siam tawh angin thla thar ni 11 a Dampa bial By election vote thlak turah hian chuh turte tan hming pek luh hun hawn mek a ni a, vawiin thlengin mi 2 in hming a pe lut tawh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



ZMC WORKSHOP

Ministry of Health & Family Welfare leh National Medical Commission thuchhuak angin Zoram Medical College & Hospital, Falkawn leh Indian Red Cross Society Mizoram State Branch-te chuan vawiin khan ZMCH Lecture Hall-ah Cardio–Pulmonary Resuscitation (CPR) Awareness Week pualin hun an hmang.

ZMCH director Prof. Zoramthara Zadeng chuan CPR pawimawhna leh thil tum a sawifiah a, ZMCH Dean Prof. Swati M Patki chuan kalkhawmte CPR chungchanga thutiam sawirual tirin, mithiam ten CPR chungchanga hriat tur pawimawh an sawi a ni.



PM IN AdNHRA

Prime Minister Narendra Modia chuan vawiin khan Andhra Pradesh-a Kurnool ah hmasawwna project cheng vaibelchhe sing 1 sang 3 leh 430 a hawng.Heng project te hi industry, power transmission, kawngpui, relkawng, ralthuam siamchhuahna leh petroleum and natural gas lam te a ni a. Tukiin khan Prime minister Modia hian Andhra Pradesh a thleng n Nandyal district-a Sri Bhramaramba Mallikarjun Swamy Varla Devasthanam a tlawh a. Srisailam-a Sree Spoorthi Kendra a tlawh bawk a ni.

